

O NAMA

BH Telecom i Samsung predstavljaju prvi Ultra Tube Fest koji će ugostiti najveće zvijezde regionalne YouTube scene u Sarajevu!

Youtube je postao jedan od najutjecajnijih medijskih kanala na svijetu. Nekada nam je YouTube uglavnom služio sa preslušavanje muzike, gledanje spotova i smiješnih videa. Međutim, sve se promijenilo. Danas se ova društvena mreža među mladima koristi da bi se izrazili stavovi kroz zanimljive videe, opisivali razni događaji ili predstavili lični radovi i znanje iz određenih oblasti. Mladi su sve više motivisani da se izraze, pokažu svoju kreativnost i napreduju u digitalnom dobu.

Fanovi YouTube kulture na ovoj društvenoj mreži pronalaze dosta zabavnog i edukativnog sadržaja, kreirajući milionsku YouTube zajednicu u regiji, a Ultra Tube Fest sjajna je prilika da se YouTube zajednica upozna sa najvećim regionalnim YouTube zvijezdama kroz jedinstven edukativno-zabavni program.

Program Ultra Tube Festa odvijać se u Ultra Fan Zoni i Samsung Play Areni gdje će se održati predavanja i panel diskusije, te muzički program. Paralelno sa glavnim programom, na više lokacija odvijat će se i brojni popratni sadržaji i druženje sa gostima.

Ne propustite biti dijelom prvog #UltraTubeFest!

GDJE I KADA?

Prvo izdanje Ultra Tube Festa održat će se **29. februara** u velikoj dvorani i amfiteatru **Doma mladih**. Službeni program trajat će od **14:00 do 19:00 sati**, a Dom mladih će svoja vrata za posjetioce otvoriti od 13:00 sati kako bi mogli uživati u popratnim sadržajima koji će se odvijati uporedo sa glavnim programom.

PROGRAM

ULTRA FAN ZONA

14:00 – 14:30: Otvorenje Ultra Tube Fest

14:30 – 15:15: Panel diskusija 1: Kako se postaje YouTuber

Gosti: CeriX, Braco Gajić, Lea Stanković, Nuni, Nedim, Imperator FX

15:30 – 16:15: Panel diskusija 2: Surfaj sigurno

Gosti: Cerix, Braco Gajić, Bake, 50N3, Sara Stanković, UNICEF BIH i MFS-EMMAUS

16:30 – 17:15: Panel diskusija 3: Sve što želiš znati o YouTube

Gosti: iggy Plejer, Sara Stanković, Nedim, Nugato

17:30 – 18:00: Dodjela nagrada

SAMSUNG PLAY ARENA

14:00 – 15:00: Prezentacija Bilal Drnda „Target Hit“

15:00 – 16:00: Prezentacija White Shark

16:00 – 17:00: Gaming trikovi

17:00 – 18:00: Gaming trikovi
18:00 – 18:30: Dodjela nagrada

ULTRA PHOTO WALL

14:30 – 15:15: Sara Stanković i Bake
15:15 – 16:00: Nugato i iggy Player
16:00 – 16:45: Imperator FX, Nuni i Nedim
16:45 – 17:30: 50N3 i Lea Stanković
18:00 – 18:45: CeriX, Braco Gajić i Nugato

SAMSUNG COOKING SHOW

15:30 – 16:00: Lea Stanković
16:00 – 16:30: Nugato

ULAZNICE

Ulaznice za Ultra Tube Fest možete preuzeti od 25. februara na platou Skenderija, ispred Doma mladih ili u poslovnici BH Telecom u SCC svakim danom od 12:00 do 18:00 sati. Ulaznice su besplatne i svako može preuzeti najviše 2 ulaznice po osobi. Kako biste bili sigurni preporučujemo da nabavite vaše ulaznice što prije jer u opticaju je samo 3000 ulaznica. Svi koji ne uspiju doći do ulaznice događaj mogu uživo pratiti na LED ekranu ispred Doma mladih ili na YouTube kanalu BH Telecoma.

Ulaznice je potrebno pokazati na ulazu u Dom mladih, a jednom iskorištena ulaznica ne vrijedi za ponovni ulaz. Jedna ulaznica važi samo za jednu osobu bilo da su u pitanju djeca ili odrasli.

Limitirani broj posjetilaca će imati priliku da u Samsung Play Areni učestvuje u takmičenju protiv najboljih gejmera. Za učešće je potrebno da posjetite Samsung kutak u Domu mladih u terminu od 13:00 – 14:00 sati.

UČESNICI

Adnan Cerić, ili u gaming svijetu YouTuba poznatiji kao CeriX, 33-godišnji je sarajevski YouTuber. Sa 344 000 pretplatnika na svom kanalu slovi za jednog od najpopularnijih bh. YouTubera.

Braco Gajić iz Bijeljine je zahvaljujući parkur vratolomijama i simpatičnom smislu za humor postao prava internet senzacija sa 926 000 pretplatnika na kanalu. Prošle godine je uplovio i u muzičke vode te je ukrstio glas sa kolegom iz Srbije, Andrijom JO, u numeri „Nidje veze“ koja trenutno broji preko 11,5 mil. pregleda na njegovom zvaničnom kanalu.

Nedim Lepić je popularni YouTuber iz Visokog. Na njegovom kanalu, koji broji oko 449 000 pretplatnika, može se pronaći doista raznovrsan sadržaj, od igrice, preko vlogova i izazova do urnebesnih skečeva. Nedim je, također, zakoračio u muzičku karijeru, a na Ultra Tube Festu imat će priliku ponovno izvesti svoju pjesmu „Richie“ i zabaviti publiku za vrijeme pauze.

Igor Sokolović ili iggy Plejer poznato je ime u gaming svijetu YouTuba. Prepoznatljiv je po širokom dijapazonu igrice koje igra, a svaki njegov video sa nestrpljenjem čeka 607 000 fanova na YouTube servisu.

Ilija Ravlić Nugato je još jedan zaljubljenik u gaming, najradije igra popularnu igricu Grand Tref Auto V, a njegov kanal bilježi 418 000 pretplatnika.

Bakir Karasalihović, 16-godišnjak iz Kiseljaka jedan je od najuspješnijih bh. YouTubera. Njegov kanal pod nazivom Bake trenutno ima oko 469 000 pretplatnika. Uglavnom snima izazove i prankove, a na Ultra Tube Festu će zabavljati prisutne za vrijeme muzičke pauze.

50N3 je bh. Youtuber koji se još predstavlja i kao Šone. Ima sjajan smisao za humor i uglavnom igra Minecraft i Roblox, a ima oko 339 000 pretplatnika na svom zvaničnom kanalu.

Nermin Rapkić Imperator FX vrlo je poznato ime na balkanskoj YouTube sceni. On je iz Bosne i Hercegovine, a omiljen je kod mlađe populacije. Najradije igra Fortnite, BrawlStars i Minecraft, a na svom zvaničnom kanalu dostigao je brojku od čak milion pretplatnika.

Namik Đulić Nuni je LiveStreamer s najbrže rastućim (livestreamer) kanalom na Balkanu. Nedavno je izdao i prvu pjesmu pod nazivom „Jastrebovi“, kako se i zove skupina njegovih vjernih pratioca.

Lea Stanković je vlogerica, YouTuberica, influencerica i jedna od najvećih teenage zvijezda u susjednoj Srbiji. Na svom zvaničnom kanalu ima 654 000 pretplatnika, a nije tajna kako su njena interesovanja, osim za YouTube, vezana i za muziku kao i za modu.

Sara Stanković je popularna YouTuberica i influencerica, a nazivaju je i srbijanska Barbie.

The logo for 'Ultra Tube Fest' is centered on the page. It features the word 'Ultra' in a large, stylized, multi-colored font (blue, pink, yellow) above the words 'TUBE FEST' in a smaller, bold, purple font. The background consists of several overlapping, semi-transparent circles in various colors like blue, pink, and yellow.